

## 16 DANA AKTIVIZMA PROTIV RODNO ZASNOVANOG NASILJA DAN LJUDSKIH PRVA

### OBRAZLOŽENJE ŽIRIJA ZA NAGRAĐENE RADOVE NA KONKURSU “PROBUDI, POKRENI, PROMIJENI”

Na konkurs “Probudi, pokreni, promijeni” koji je objavljen povodom obilježavanja međunarodne kampanje 16 dana aktivizma 2017 godine pristiglo je preko stotinu radova iz cijele Bosne i Hercegovine. Ove godine smo pristigle radove podijelili u dvije kategorije: prva kategorija podrazumijeva učenike uzrasta od 12 do 15 godina a druga kategorija podrazumijeva mlade ljude uzrasta između 16 i 22 godine. Nije bilo jednostavno izabrati najbolje jer su mnogi crteži donosili zanimljivu i poučnu priču nacrtanu vješto i originalno.

Ipak, žiri je izabrao tri najbolja rada iz obje kategorije i po jedan rad koji je ponio specijalnu nagradu.

**Prvo mjesto u prvoj kategoriji** osvojila je **Valeria Barić**. Članove žirija oduševio je njen način razmišljanja o svijetu u kojem živimo. Ljubav prema stripu, poznavanje tehnike, samostalnost u radu, te zrela poruka da je za promjenu potreban istinski iskorak iz pasivnosti – žiri je lako odlučio.

**Drugo mjesto** ponio je rad **Naide Mutapčić**. U radu ove crtačice dopadljivost je način da se otpočne komunikacija, pozove u pomoć i tako probudi, pokrene i mijenja svijet.

**Treće mjesto** pripalo je **Selmi Omerika**, a njen izgrađeni crtački stil nudi jednostavan strip i lijepo razrađen scenarij.

**Specijalno mjesto** u prvoj kategoriji osvojio je **Arnis Selimović** zbog originalnosti u stilskom izražaju, te sjajnoj kratkoj priči sa zanimljivom poentom.

**U drugoj kategoriji prvo mjesto** dobila je **Elma Nukić**. Elma je pokazala potpunu profesionalnost; njen strip je uredan, a priča raskrinkava idealizaciju ljubavi.

**Drugo mjesto** osvojila je **Yasmina Dorić**. Pokazala je izuzetan trud; rad je crtan rukom, uredno kadriran i dinamičan.

**Treće mjesto** pripada **Amaru Rahiću**. Amarov crtež pokazuje jednostavan, izgrađen i prepoznatljiv stil, a donosi i veoma dobru priču s jasnom poentom.

Specijalno mjesto u drugoj kategoriji osvojila je **Elma Alić**. Žiri je nagradio njenu jasno predstavljenu ideju o gubljenju humanosti prikazanu odličnim crtežom.

Svi nagrađeni, ali i većina radova koji su pristigli na konkurs, promovirali su univerzalne vrijednosti originalno i jasno šireći optimističnu poruku: mladi ljudi ne spavaju. Spremni su djelovati i tako mijenjati svijet.



---

Sanja Jurić



---

Neven Misavljević



---

Semir Salihović

Sarajevo, 11.12.2017.